

NALUNAARUTIT – Grønlandsk Lovsamling

Serie C-II

ISUMAQATIGIISSUT

Tusagassiortunngornianut Naalakkersuisut aamma Tusagassiuinermi Sulisut Peqatigiiffiat / Dansk Journalistforbund for journalist-elever akornanni piffissamut 1. april 2016-imiit 31. marts 2020-mut atuuttoq

Imaa

§ 1 Isumaqatigiissutip atuuffia	3
§ 2 Suliffimmik misiliineq pillugu isumaqatigiissut	3
§ 3 Piffissaq suliffiusoq	4
§ 4 Akissarsiat	4
§ 5 Persaqqusersorneqarnermut akiliutit.	4
§ 6 Qaangiuttoorneq	4
§ 7 Ullormusiaqartitsineq angalarnerillu	5
§ 8 Napparsimasoqarnera	5
§ 9 Feeriarneq	6
§ 10 Naartuneq, ernineq meeravissiartaarnerlu	7
§ 11 Meeqqap napparsimanerani ullormi siullermi sulinngiffeqarneq	7
§ 12 Ullut isumassuiffiit	8

§ 13	Meeqqap napparsimavimmut uninneranut atatillugu sulinngiffeqarneq	8
§ 14	Qanigisap perulunnera aamma/imaluunniit toqunera ilisaaneralu	9
§ 15	Suliatigut saqitsaassutit	9
§ 16	Isumaqatigiissutip atuutilerfia atorunnaarneralu	9

§ 1**Isumaqatigiissutip atuuffia**

Isumaqatigiissummi matumani ilinniartut tusagassiortutut ilinniarnerninnut atatillugu ilinniartunut Namminersorlutik Oqartussani, KNR-imi imaluunniit Kalaallit Nunaanni kommunini suliffimmik misiliillutik atorfeqartitaasunut atuuppoq.

Imm. 2. Isumaqatigiissummi suliffimmik misiliineq kisimi pineqarpoq.

§ 2**Suliffimmik misiliineq pillugu isumaqatigiissut**

Suliffimmik misiliiffiusup suliffimmillu misiliisut ataasiakkaat akornanni suliffimmik misiliineq pillugu isumaqatigiissummik pilersitsisoqassaaq. Suliffiit misiliiffiusut ataasiakkaat misiliisumut siunnersortimik toqqaassapput, taassumalu ilinniarnermi mallittarisassat naapertorlugit ilinniarnernup ingerlannissaa akisussaaffigissavaa.

Imm. 2. Qaammatit pingasut siulliit paaseqatigiilluni misiliinerutut isigineqassapput, atorunnaarsitsinissarlu sapaatip akunneranik sioqqutsilluni kalerriutigineqassaaq.

Imm. 3. Qaammatit siulliit pingasut iluini suliffimmik misiliineq pillugu isumaqatigiissut atorunnaassappat tamanna suliffimmik misiliisumiit aamma suliffiup misiliiffiusup ullut 14-it sioqqullugit kalerriutigineqassaaq. Atorunnaarsitsinermut suna pisutaanersoq pillugu paasissutissanik atorunnaarsitsineq imaqaassaaq.

Imm. 4. Tusagassiortunngorniartumut suliffimmik miliineq pillugu isumaqatigiissut atorunnaarsinneqassappat suliffimmik misiliisumut siunnersuisoqassaaq, taamaaliornikkullu suliffimmik misiliinerup

ajortumik ingerlanneranut suliffimmik misiliisumut siunnersortip piaartumik ilitersuinerit siunnersuinerillu aqcutigalugit suliffimmik misiliisumut erseqqissaatigalugu.

§ 3

Piffissaq suliffiusoq

Suliffimmik misiliisup piffissaq suliffissaa sulisunut ilinniarsimasunut maleruqqusat assigalugit piareersarneqassaaq, takuuk Naalakkersuisut aamma Tusagassiuinermi Sulisut Peqatigiiffiat / Dansk Journalistforbund.akornanni isumaqatigiisummi atuuttumi § 2.

§ 4

Akissarsiat

Suliffimmik misiliisut akissarsiaqartinneqassapput:

Trin	01.04.2016	01.04.2017	01.04.2018	01.04.2019
1	13.839,01	14.017,68	14.133,82	14.249,96

§ 5

Persaqqusersorneqarnermut akiliutit.

Suliffimmik misiliisunut piffissani akunnattuni sulineq Naalakkersuisut aamma Tusagassiuinermi Sulisut Peqatigiiffiat / Dansk Journalistforbund akornanni isumaqatigiisummi atuuttumi § 13 mallilugu ajunngitsorsiassaqartinneqassaaq.

§ 6

Qaangiuttoorneq

Qaangiuttoorneq sapinngisamik pinngitsoorniarneqartassaaq.

Imm. 2. Suliffigisami nalinginnaasumik piffissap suliffigisap naareerneratigut naalakkiutigalugu nakkutigisamillu sulisoqassappat akunnermusiaritinneqartoq tunngavigalugu qaangiuttoornersiutunik tunniussisoqassaaq, tamannalu isumaqatigiisummi § 4-mi ukiumut akissaatigineqartut 50 %-iannik 1/2080-itut naatsorsorneqassaaq. Tusagassiortunngorniartup isumaqatigiissuteqareerluni 1:1½ naaper-
torlugu qaangiuttoornissaagaluaq sulinngiffeqarnermik taarsissal-
lugu aamma toqqarsinnaavaa.

§ 7

Ullormusiaqartitsineq angalasarnerillu

Kalaallit Nunaanni Danmarkimilu sulinermut atatillugu angalanerni Kalaallit Nunaanni Namminersorlutik Oqartussani tjestemandinut imaluunniit Kalaallit Nunaanni kommunini tjestemandinut malittarisassat qaqugumulluunniit atuuttut malillugit suliffimmi misiliisunut ajunngitsorsiassaqqarpoq, massakkut Det offentlige Aftale-nævnet isumaqatigiissutaasoq 11. marts 1986-imeersoq (NAL C-1, 1/4/24) malillugu.

Imm. 2. Najugarisami suliffigisap avataatigut sulisoqarsimappat suliffigisamiit suliffigisamullu angalanermi piffissaq ator-
neqartoq piffissatut suliffigisatut ilanngullugu naatsorsorneqas-
saaq.

Imm. 3. Taamaattoq nal. 22.00-p aamma nal. 08.00-p akornanni suli-
sumut siniffissaqartitsisoqarsimappat piffissaq angalaffik piffis-
satut suliffittut ilanngullugu naatsorsorneqassanngilaq.

§ 8

Napparsimasoqarnera

Suliffimmik misiliisoq suliffimmik misiliinermini napparsimaneq
pissutigalugu sulinngitsoorsimappat akissarsiaqartinneqarnissamik

pisinnaatitaaffeqarpoq. Suliffimmik misiliisoq katillugit qaammatit pingasut sinnerlugit napparsimappat pisinnaatitaaffik tamanna atorunnaassaaq.

Imm. 2. Napparsimanermik pissuteqarluni sulinngitsoorneq nakorsap allagarsiineratigut uppersarnissaa piumasarineqarsinnaavoq.

§ 9

Feeriarneq

Suliffimmik misiliisoq qaammatini arfinilinni suliffimmik misileereersimappat ulluni 15-ini akissarsiaqarluni feeriarinnaavoq. Feriarneq pillugu Inatsisartut inatsisaat nr. 10, 12. november 2001-imeersoq aamma atorineqarsinnaavoq.

Imm. 2. Suliffimmik misiliinerup naanerani imaluunniit suliffimmik misiliinissaq pillugu sulisitsisumik allamik suliffimmik misiliinissaq pillugu isumaqatigiissusiortoqarsimannappat feeriarnermi ajunngitsorsiassanik tunniussisoqassanngilaq. Feriarneq pillugu Inatsisartut inatsisaanni § 16, imm. 1-imi immikkut ittumik feeriarneq pillugu akissarsiaqarluni feeriarinnaanermi 1½%-imik feeriarnerneqarsinnaaneq suliffimmik misiliinerup naanerani imaluunniit suliffimmik misiliinissaq pillugu nutaamik isumaqatigiissusiortoqarsimatinagu suliffimmik misiliineq pillugu isumaqatigiissut atorunnaarsimappat tunniunneqassaaq.

Imm. 3. Suliffimmik misiliisoq ukiumi aningaasarsiorfiusumi arla-riinnik sulisitsisoqarsimappat imm. 3 malillugu sulisitsisut immikkut feeriarnerneqarsimappat tunniussisoqassappat. Imm. 3 naapertorlugu immikkut ittumik feeriarnerneqarsimappat pisassaqaqarnermut piumasagaqarneq ukiup feeriarfiusup naaneratigut kingusinnerpaamik qaammatit pingasut qaangiutsinnagit sulisitsisumut nalunaarutigineqareersimassaaq.

§ 10**Naartuneq, ernineq meeravissiarternu**

Suliffimmik misiliisoq naartunermut, erninermut meeravissiarternu-
nermullu atatillugu suliffimmik misiliinerminik unitsitsigallar-
nissamik pisinnaatitaaffeqarpoq, takuuk Naartunermi, erninermi me-
eravissiarternuermilu sulinngiffeqartarneq ullormusiaqartarneq
pillugit Inatsisartut inatsisaat nr. 14, 7. december 2009-meersoq.
Imm. 2. Suliffimmik misiliisoq taamatut sulinngiffeqartitaanermi
akissarsiaqartinneqanngilaq.

§ 11**Meeqqap napparsimanerani ullormi siullermi sulinngiffeqarneq**

Suliffimmik misiliisut aningaasarsiaminnik annaasaqaratik meeqqap
nukangasup napparsimanerani ullormi siullermi tamakkiisumik ilaan-
nakortumilluunniit sulinngiffeqarsinnaatitaapput.

Imm. 2. Sulinngiffeqarsinnaatitaanermi piumasagaataapput:

- a) Ulloq tassaappat meeqqap napparsimaffia siulleq,
- b) meeqqap atugai patsisigalugit tamanna pisariaqarpat,
- c) atorfeqarfimmi pissutsit patsisaallutik tamanna
ajornangippat kiisalu
- d) meeraq angerlarsimappat.

Imm. 3. Ullut napparsimaffiit nalunaarsorsimaffiat taperneqassaaq
ilisimatitsissummik meeqqap napparsimanerani ullormi siullermi
peqannginnermik.

Imm. 4. Aaqqissuussineq atorneqartillugu atorfilinnut ataa-
siakkaanut atortussaajunnaarsinneqarsinnaavoq.

§ 12**Ullut isumassuiffiit**

Suliffimmik misiliisoq meeqgamik napparsimasumik ilaqutaasumilluunniit qanigisamik ullut tallimat angullugit akissarsiaqaatigalugu sulinngiffeqarsinnaatitaavoq.

Imm. 2. Ilaquttat qanigisat tassaapput angajoqqaat, aappat taamatullu naligisat, qatanngutit taamaattorli aapparisap ilaqutai tasungalu ilaquttat naligisai pinnagit.

Imm. 3. Sulinngiffeqarsinnaatitaanermi piumasqaataapput:

a) meeqgamut imaluunniit qanigisamut qaninnermut isumassuinissap pisariaqartinneqarnera, aamma

b) atorfeqarfimmi atugassarititaasutigut tamanna akuerineqarpat.

Imm. 4. Ullut isumassuiffissat pillugit nalunaaruteqarneq ullup isumassuiffiusup siulliup aallartinnerani kingusinnerpaamik ul-laakkut sulisitsisumut nalunaarutigineqassaaq.

Imm. 5. Aaqqissuussineq atornearlunneqartillugu atorfilinnut ataa-siakkaanut atortussaajunnaarsinneqarsinnaavoq.

§ 13**Meeqqap napparsimmavimmut uninneranut atatillugu sulinngiffeqarneq**

Meeqqat 0-miit 12-k angullugit ukiullit napparsimmavimmut illoqarfimmulluunniit allamut uninneranni ingiallortaanerup meeqqallu uninnganerani Peqqinnissaqarfiup akiligaanik ingiallortaalluni angalanermut atatillugu suliffimmik misiliisoq ullut 12-k angullugit sulinngiffeqarsinnaatitaavoq.

Imm. 2. Meeqqap napparsimmavimmut uninnera angajoqqaallu qaniuinissaat uppernarsarneqassaaq.

§ 14**Qanigisap perulunnera aamma/imaluunniit toqunera ilisaaneralu**

Qanigisamik napparsimaruluttoqartillugu aamma/imaluunniit toqusoqartillugu ilisisoqarniartillugulu suliffimmik misiliisoq si-
umut utimullu akiliutsilluni akissarsiani pigiinnarlugit
sulinngiffeqarsinnaatitaavoq Kalaallit Nunaanni Namminersorlutik
Oqartussat kommunillu tjenestemandiinut malittarisassat suk-
kulluunniit atuutsinneqartut naapertorlugit.

§ 15**Suliatigut saqitsaassutit**

Suliffimmik misiliisoq suliffimmik misiliinerup nalaani sulinermut
saqitsaannernut peqataaqqusaanngilaq.

§ 16**Isumaqatigiissutip atuutilerfia atorunnaarneralu**

Isumaqatigiissut 1. april 2016-imit atuutilerpoq. Isumaqatigiissut
illuatungeriinnit tamanit qaammatinik 3-nik siumut ilimasaaru-
teqarnikkut marsip 31-ianni, taamaattorli siusinnerpaamik 31.
marts 2020-mi atorunnaartussanngortinneqarsinnaavoq.

Nuuk, ulloq

Tusagassiuinermi Sulisut

Naalakkersuisut

Peqatigiiffiat / Dansk Journa-

e.b.

listforbund

Lars Werge

Michael Würtz

*Taamaalilluni Naalakkersuisut aamma Dansk Journalistfor-
bund/Tusagassiunermi Sulisut Peqatigiiffiata akornanni isu-
maqatigiissut 5. februar 2014-imeersoq atorunnaarpoq.*